

**Javna ustanova Srednja ugostiteljsko-turistička škola**  
**Public institution Secondary school of hospitality and tourism**

---

Broj: 09-3-167-1/21

Sarajevo, 29.09.2021. godine

**UGOVORNI ORGAN**

Naziv: Javna ustanova Srednja ugostiteljsko – turistička škola Sarajevo

Sjedište: Dugi sokak broj 9, 71000 Sarajevo

Tel: 033-534-633; 534-782; Fax: 033-232-828;

E-mail: sutsds@gmail.com

**JAVNI POZIV**

**za prikupljanje ponuda za davanje u zakup prostora za postavljanje dva samouslužna automata za napitke i konditorske proizvode**

**I - PREDMET PONUDE**

Davanje u zakup prostora za postavljanje dva samouslužna automata za napitke i konditorske proizvode u zgradi Škole u ulici Dugi sokak broj 9 i školskoj radionici hotel "Nacional" u ulici Alajbegovića broj 4 u Sarajevu, na period od dvije godine.

**II - PRAVO UČEŠĆA**

Pravo učešća imaju sva pravna lica koja su registrovana za obavljanje poslovnih djelatnosti.

**III - PREUZIMANJE DOKUMENTACIJE**

Informacije i zahtjev za uvid se mogu tražiti po objavi Javnog poziva, na web stranici Ugovornog organa i u sjedištu Ugovornog organa, elektronskim putem ili putem fax-a.

**IV - SADRŽAJ PONUDE**

Uz ponudu ponuđači su dužni dostaviti dokaze o ispunjavanju uslova za učešće po javnom oglasu, u ovjerenoj kopiji, ili kopiji sa obavezom naknadnog dostavljanja ovjerenih kopija.

1. Informacije o ponuđaču: naziv firme, adresu sjedišta, ID broj, broj žiro računa i nazive banaka, ime i prezime lica ovlaštenog za zastupanje firme.

2. Ovjerenu kopiju aktuelnog Izvoda iz sudskog registra da je firma registrovana za ovu vrstu djelatnosti.

3. Kopiju Izvoda iz jedinstvenog registra transakcijskih računa BiH o aktivnim računima, te ovjerenu potvrdu jedne poslovne banke da račun nije blokiran u zadnjih 12 mjeseci.

4. Ovjerenu kopiju Uvjerenja nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti.

5. Ovjerenu kopiju Uvjerenja Poreske uprave o izmirenim poreskim obavezama (direktni i indirektni porezi). Dokumenti pod 2., 3., 4. i 5. ne smiju biti stariji od 3 mjeseca od dana objave javnog poziva.

6. Ovjerena Izjava ponuđača da se odriče prava da tereti Zakupodavca po osnovu eventualne nastale štete na aparatima ili gubitka u vidu prometa.

7. Ovjerena Izjava ponuđača da će izvršiti besplatnu dostavu i montažu na dogovorenu lokaciju prilikom postavljanja ili prilikom premještanja na novu lokaciju zbog potrebe posla. Odgovornost za tehničku ispravnost priključka snosi ponuđač. Zakupodavac će omogućiti

ponuđaču priključke za električnu mrežu. Radove na priključenju izvodit će ponuđač o svom trošku, a pod nadzorom ovlaštenog radnika Zakupodavca.

Ponuđači koji dostave nekompletnu dokumentaciju neće imati pravo učestvovanja u daljem postupku.

#### V – USLOVI ZA ZAKUP

Tačno mjesto postavljanja aparata na datim lokacijama dogovorit će se sa odabranim zakupcem. U slučaju adaptacije, sanacije i drugih zahvata kod Zakupodavca, Zakupodavac zadržava pravo da na trošak ponuđača zatraži privremeno uklanjanje uređaja, pri čemu ponuđač nema pravo tražiti povrat uložениh sredstava po toj osnovi niti bilo kakavu naknadu. Sva eventualna oštećenja aparata, krađe i ostali rizici idu na teret ponuđača, kao i potpuna odgovornost prema konzumentima za nastale štete u vezi s rukovanjem, korištenjem i radom aparata i konzumiranjem proizvoda iz aparata, te je isključena svaka odgovornost Zakupodavca prema ponuđaču i svim drugim osobama u vezi sa navedenim.

Servisiranje aparata omogućeno je na svim navedenim lokacijama uz prethodnu pismenu najavu Zakupodavca u vremenu od 8:00 do 16:00 sati.

Ponuđač će u slučaju potrebe smanjiti ili povećati broj aparata bez dodatnih troškova za Zakupodavca.

Samouslužni automati trebaju imati sistem plaćanja sa povratom kusura, te daljinsko nadziranje automata, potrošnje i statusa automata i praćenje brojanika (potrošnje) preko računara Zakupodavca.

U slučaju totalnog kvara samouslužnog/ih aparata, ponuđač može nesmetano izvršiti zamjenu sa novim iste generacije. Ponuđač mora imati službu održavanja - servis koja na usluzi mora biti dostupna svakodnevno, te koja će najdalje u roku od 24 sata otkloniti uočeni problem. Odabrani ponuđač će snabdijevati redovito automate sa svježim, zdravstveno ispravnim toplim i hladnim napitcima i snack proizvodima, te redovito vršiti čišćenje automata. Prilikom korištenja zakupljenih mjesta ponuđač je obavezan poštovati postojeće mjere sigurnosti Zakupodavca.

Ponuđač će navesti brendove kompletne palete pratećih sirovina (kafe, mlijeka, čokolade, čaja konditorskih proizvoda), potrošne plastične ambalaže, koje će isporučivati ako mu se dodjeli ugovor, kao i mogućnost odabira između brendova. Promjenu istih može izvršiti samo uz odobrenje Zakupodavca. Promjena se dozvoljava samo za kvalitetnije proizvode koji neće mijenjati dogovorenu cijenu.

Ponuđač će navesti kontakte lica zaduženih za snabdijevanje, servis, info telefon i finansije.

#### VI – NAČIN PODNOŠENJA PONUDE

Ponude dostaviti najkasnije do 08.10.2021. godine do 12,00 sati, putem e-mail-a, ili putem fax-a, na adresu ili na protokol Ugovornog organa. Na omotu koverte naznačiti naziv i adresu ponuđača, sa napomenom: "Ponuda za javni poziv - Ne otvarati". Ponude primljene poslije vremena određenog za podnošenje ponuda biće vraćene neotvorene.

#### VII - PERIOD VAŽENJA PONUDE

Dostavljene ponude smatraće se validnim za period od 90 (devedeset) dana od dana podnošenja ponude.

#### VIII - OTVARANJE PONUDA

Otvaranje ponuda je javno i otvaranju može prisustvovati ovlaštenu predstavnik ponuđača, koji svoje ovlaštenje dokazuje u pismenom obliku.

Ponude će se otvarati 08.10.2021. godine, u 12,15 sati, u sjedištu Ugovornog organa.

#### **IX - KRITERIJ ZA DODJELU UGOVORA**

*Ugovor se dodjeljuje najpovoljnijoj ponudi shodno kriterijima iz dokumentacije.*

*Najpovoljnija ponuda je ona koja uz ispunjenje svih uslova oglasa sadrži i najviši ponuđeni % (procenat) mjesečne provizije od ukupno ostvarenog mjesečnog bruto prometa.*

*Ako dvije ili više ponuda budu sadržavale isti ponuđeni % (procenat) mjesečne provizije od ukupno ostvarenog mjesečnog bruto prometa, najpovoljnijom ponudom smatrat će se ona koja je ranije zaprimljena na protokol Zakupodavca.*

*O ishodu javnog poziva ponuđači će biti blagovremeno obavješteni.*

#### **X - OSTALE ODREDBE**

*Na postupak prikupljanja ponuda za uzimanje u zakup ne primjenjuje se Zakon o javnim nabavkama Bosne i Hercegovine ("Službeni glasnik BiH", broj: 39/14), shodno članu 10. Stav 1. Tačka e) istog.*

*Ugovorni organ zadržava pravo da u slučaju promijenjenih okolnosti poništi Javni poziv i sve sprovedene radnje u bilo kojoj fazi postupka.*

*Ugovorni organ će konstatovati da li ponude ispunjavaju uslove Ugovornog organa i o tome obavijestiti ponuđače.*

*Ponuđač ima pravo žalbe u roku od 5 dana od dana prijema obavijesti o rezultatima postupka.*

*Ugovorni organ ne snosi troškove ponuđača nastale po ovom postupku.*